

Starfsemi Siðfræðistofnunar árið 2007

Stjórn og starfslið

Á árinu var endurskipað í stjórn Siðfræðistofnunar og eiga í henni sæti: Vilhjálmur Árnason, prófessor, tilnefndur af heimspekiskor, formaður stjórnar, Sólveig Anna Bóasdóttir, dr. theol., tilnefnd af guðfræðideild, Sr. Irma Sjöfn Óskarsdóttir, tilnefnd af kirkjuráði þjóðkirkjunnar, Ástríður Stefánsdóttir, dósent, tilnefnd af Kennaraháskóla Íslands og Haraldur Briem, dósent við læknadeild, skipaður af Háskólaráði án tilnefningar. Fyrir utan forstöðumann Salvöru Nordal, sem er í fullu starfi, hafa sérfræðingar verið ráðnir í einstök rannsóknarverkefni í lengri eða skemmri tíma.

Rannsóknir

Rannsóknir í lífsiðfræði.

Unnið var áfram að verkefninu *Notkun gagnagrunna á heilbrigðissviði: Siðferðileg álitamál*, en verkefnið hlaut framhaldsstyrk hjá Rannsóknasjóði Rannís á árinu.

Sendar voru umsóknir í 7. rammaáætlun Evrópusambandsins og Nordforsk á árinu og fékkst styrkur frá þeim síðarnefnda til að halda námskeið fyrir doktorsnema í Tartu á Eistlandi á næsta ári. Námskeiðið verður um siðfræði rannsókna á heilbrigðissviði og verður haldið í samstarfi við háskóla í Eistlandi, Finnlandi, Svíþjóð og Noregi.

Á árinu kom út bókinn *The Ethics and Governance of Human Genetic Databases. European Perspectives*. Í bókinni eru birtar niðurstöður rannsóknarverkefnisins ELSAGEN sem styrkt var af 5. rammaáætlun Evrópusambandsins 2002–2004. Verkefnið var undir stjórn Siðfræðistofnunar Háskóla Íslands. Ritstjórar bókarinnar eru Matti Häyry, Ruth Chadwick, Garðar Árnason og Vilhjálmur Árnason, prófessor í heimspeki við Háskóla Íslands, sem einnig ritar inngang. Fjallað er um gagnagrunna fyrir erfðarannsóknir í Englandi, Eistlandi, Svíþjóð og Íslandi frá siðfræðilegum, lögfræðilegum og félagsfræðilegum sjónarhornum. Fjölmargir höfundar eru að ritinu, en íslenskir höfundar eru þau Garðar Árnason, Hörður Helgason, Margrét Lilja Guðmundsdóttir, Salvör Nordal, Sigurður Kristinsson og Vilhjálmur Árnason. Cambridge University Press gefur bókina út, en hún er 283 bls.

Siðfræðistofnun tekið þátt í margvíslegum erlendum fundum og samstarfsverkefnum. Forstöðumaður er í ráðgjafahópi í rannsóknarverkefninu HEPADIP (Hepatic and Adipose Tissue and Functions in the Metabolic Syndrome) og sótti fund í verkefninu í Finnlandi í október. Verkefnið er styrkt af 6. rammaáætlun Evrópusambandsins. Stjórnarormaður situr í stjórn Nordisk bioetisk komité og var formaður nefndarinnar 2007. Hann sótti fjölmarga fundi og málþing á hennar vegum á árinu. Vilhjálmur situr einnig í stjórn European Society for Philosophy of Medicine and Health Care og sótti ársþing félagsins í Cardiff. Formanni stjórnar var boðið að flytja fyrirlestra um lífsiðfræðileg efni á vegum verkefnisins Biobanks – still an ethical challenge? í Þrándheimi, 3.–5. desember 2007 og á Nordic University Hospital Research Conference, í Bergen 14. maí 2007.

Önnur rannsóknarverkefni:

Gildismat og velferð barna í neyðsamfélagi nútímans hélt áfram á árinu. Haldinn var fundur í Skálholti 27.–28. apríl um efnið en verkefnið felur í sér að halda úti samstarfsneti á

þverfaglegum grunni. Verkefnið er undir stjórn Vilhjálms Árnasonar, prófessors og styrkt af Kristnihátíðarsjóði.

Þjónusta

Siðfræðistofnun veitti sem fyrr umsagnir um ýmis lagafrumvörp og skýrslur á árinu og veitti fagfélögum, fyrirtækjum og stofnunum ýmis konar ráðgjöf.

Siðfræðistofnun skipulagði námskeið fyrir Endurmenntun um fagmennsku, siðareglur og rannsóknir fyrir bæði vormisseri og haustmisseri. Fyrirhugað er frekara samstarf við Endurmenntun á næstu árum.

Fyrirlestrar og ráðstefnur

Í upphafi ársins, þann 4. janúar hélt Róbert H. Haraldsson fyrirlestur um bókina *Leitin að tilgangi lífsins* og við sama tilefni var veittur styrkur til Umhyggju í nafni höfundarins Viktors Frankl. Siðfræðistofnun skipulagði í samstarfi við Stofnun Árna Magnússonar í íslenskum fræðum ráðstefnu í Skálholti dagana 6.–9. september undir yfirskriftinni *Nordic Civilization in the Medieval World*.

Útgáfa

Bækurnar *Hugsað með Mill* og *Persónuvernd í upplýsingasamfélagi* komu út á árinu.